

Gjykata Komunale për Kundërvajtje në Kamenicë, përmes gjyqtarit, **Sadri Krasniqi**, me sekretaren juridike **Resmije Krasniqi**, duke vendosur në procedurën kundërvajtëse kundër të pandehurës **Blerta Kallaba** nga **Rogaçica**, për shkak të kundërvajtjes nga neni 8.1, lidhur me nenin 5 dhe 6, pika 1.2 e sanksionuar sipas nenit 17 paragraf 1.1 të Ligjit për deklarimin, prejardhjen dhe kontrollin e pasurisë të zyrtarëve të lartë publik dhe deklarimin, prejardhjen dhe kontrollin e dhuratave për të gjithë personat zyrtarë, nr.04/L-050, e në bazë të nenit 9,73,74, 195 dhe 199 të Ligjit për kundërvajtjet, më **02.11.2012**, horto

A K T V E N D I M

E pandehura **Blerta Kallaba**, e lindur më 18.10.1981 në Gjiilan, këshilltare në Asamblenë Komunale në Kamenicë, e martuar, nënë e një fëmije, ka të kryer Fakultetin e sociologjisë, e gjendjesë së mesme ekonomike, e padënuar për kundërvajtje, nuk është nën hetime, me vendbanim të përhershëm në fsh.Rogaçicë,

Ë S H T Ë F A J T O R E

Sepse si zyrtare e lartë publike, këshilltare në Asamblenë Komunale në Kamenicë, nuk e ka bërë me kohë deklarimin e rregullt vjetor të pasurisë për vitin 2012, në Agjencinë Kundër Korrupsionit, brenda afatit ligjor prej 01 deri më 31 mars 2012,

-me ç'rast e pandehura ka shkaktuar kundërvajtje nga neni 8.1, lidhur me nenin 5 dhe 6, pika 1.2 e sanksionuar sipas nenit 17, paragraf 1.1 të Ligjit për deklarimin, prejardhjen dhe kontrollin e pasurisë të zyrtarëve të lartë publik dhe deklarimin, prejardhjen dhe kontrollin e dhuratave për të gjithë personat zyrtarë, nr.04/L-050, andaj në bazë të dispozitave të të njëjtit ligj, e në pajtim me dispozitat ligjore të nenit 9 të Ligjit për kundërvajtjet,

D Ë N O H E T

Me të holla në shumë prej **300 €**, të cilin dënim e pandehura është e obliguar ta arkëtoj në afatin prej 15 ditësh nga dita e plotëfuqishmërisë së këtij aktvendimi, në të kundërtën, dënimi me të holla do t'i zëvendësohet më dënim burgu në kohëzgjatje prej **20 ditësh**, duke logaritur një ditë burgu 15 € .

Obligohet e pandehura që në emër të paushallit gjyqësor, në afatin e lartëcekur, të arkëtoj shumën prej 5 €.

Dënimin dhe paushallin gjyqësor e pandehura e arkëton në këtë gjykatë .

Me aktvendim të njoftohet e pandehura dhe parashtruesi i kërkesës .

A r s y e t i m

Agjencia Kundër Korrupsionit në Prishtinë, me kërkesën nr. 01-2333/12, të parashtruar më 18.07.2012, ka propozuar që kundër të pandehurës **Blerta Kallaba** nga **Rogaçica**, të fillohet dhe shtjellohet procedura kundërvajtëse, për shkak të kundërvajtjes nga neni 9, lidhur me nenin 5 dhe 6, paragraf 1.3, e sanksionuar sipas nenit 17, paragraf 1.3 të Ligjit për deklarimin, prejardhjen dhe kontrollin e pasurisë të zyrtarëve të lartë publik dhe deklarimin, prejardhjen dhe kontrollin e dhuratave për të gjithë personat zyrtarë, nr.04/L-050, të shpallët fajtores dhe të dënohet sipas ligjit.

Gjykata vlerësoi kërkesën dhe pas shqyrtimit të së njëjtës dhe shkresave tjera të lëndës, konstatoj se kërkesa është e bazuar në ligj, andaj duke vepruar sipas të njëjtës, ka caktuar séancë gjyqësore për shqyrtim kryesor kundër të pandehurës më 30.10.2012, në të cilën séancë e pandehura gjatë paraqitjes së mbrojtjes së saj deklaroi se është e vërtetë se kah fundi i muajit shkurt në séancën e Ansablesë komunale, është informuar se duhet të deklaroj pasurinë, por për shkak të problemeve familjare: kishte babain e sëmur nga një sëmundje e rëndë, të cilin e ka shoqëruar derisa i njëjti ka qëndruar në spital, si dhe duke u kujdesur për vajzën e saj të vogël dhe nga pakujdesia, ka harruar që me kohë ta deklaroj pasurinë, por këtë e ka bërë me vonesë, përkatësisht më 30.04.2012. E pandehura në vazhdim kërkon prej gjykatës, që nëse eventualisht e shpallë fajtores, me rastin e caktimit të dënimit të ketë parasysh faktin se nga të ardhurat mujore që merrë si këshilltare komunale në shumën prej 200 €, siguron ekzistencën e saj dhe të familjesë.

Me qëllim të vërtetimit dhe konstatimit të drejtë dhe të plotë të gjendjes faktike, gjatë procedurës është dëgjuar dëshmitari, **Fisnik Kastrati**, zyrtar juridik i Shërbimeve publike në Kamenicë, njëherit personi kontaktues me Agjencinë Kundër Korrupsionit, i cili deklaroi se në momentin e marrëjes së formularëve prej agjencionit, menjëher në të dy gjuhët i ka njoftuar të gjithë zyrtarët e lartë publikë, të cilët janë të obliguar sipas ligjit që të bëjnë deklarimin e pasurisë, më 27.02.2012, ku si dëshmi ekzistojnë nënshkrimet e zyrtarëve që kanë pranuar njoftimin me shkrim dhe më 20.03.2012. njoftimin me shkrim i ka bashkangjitur materilit për séancën e kuvendit.

Lidhur me rastin në cilësi të dëshmitarit është dëgjuar edhe **Enis Sadiku**-zyrtar i lartë për mbikqyrjen e pasurisë pranë Agjencisë Kundër Korrupsionit, i cili në seancën gjyqësore të mbajtur më 30.10.2012, deklaroi se agjensioni nuk është i obliguar, njëherit edhe nuk ka mundësi që çdo zyrtar ligjor personalisht ta informoj, por pran çdo institucioni ka një zyrtar kontaktues, për Kamenicë është Fisnik Kastrati, andaj pasi që zyrtarja e lartëcekur nuk e ka deklaruar pasurinë në afatin ligjor, kundër të njejtës kemi parashtruar kërkesë për iniciimin e procedurës kundërvajtëse.

Gjykata duke e vlerësuar drejtë mbrojtjen e të pandehurës, dëshmitë e dëshmitarëve dhe të dhënat tjera në kërkesë, e posaqërisht me rastin e administrimit të provës materiale të prezentuar nga e pandehura gjatë seancës gjyqësore, vërtetimin për deklarimin e pasurisë me nr.03-3464/2012, prej 30.04.2012, në mënyrë të drejtë dhe të plotë vërtetoi gjendjen faktike dhe konstatoi se e pandehura Blerta Kallaba si zyrtare e lartë publike, këshilltare në Asamblen Komonale në Kamenicë, nuk e ka bërë me kohë deklarimin e rregullt vjetor të pasurisë për vitin 2012, andaj gjykata bëri rikualifikimin e kundërvajtjes dhe gjeti se në rastin konkret në veprimet e të pandehurës ekzistojnë elementet e kundërvajtjes nga dispozitat e nenit 8.1, lidhur me nenet 5 dhe 6, pika 1.2 e sanksionuar sipas nenit 17, paragrafi 1.1 të Ligjit për deklarimin, prejardhjen dhe kontrollin e pasurisë të zyrtarëve të lartë publik dhe deklarimin, prejardhjen dhe kontrollin e dhuratave për të gjithë personat zyrtarë, Nr.04/L-050, për të cilën kundërvajtje gjykata të pandehurën e shpalli fajtoresh dhe e dënoi me të holla në shumën prej 300 €.

Me rastin e përcaktimit për llojin dhe lartësinë e dënimit ndaj të pandehurës për kundërvajtjen e kryer, gjykata vlerësoi rrethanat të cilat në kuptim të nenit 7 të Ligjit për kundërvajtjet, ndikojnë në zbutjen apo ashpërsimin e dënimit, andaj për këtë rast si rethana lehtësuese pati parasysh, pasojën vogël të veprës kundërvajtëse, sepse ndërkohë e ka deklaruar pasurinë, se e pandehura është e moshës së re dhe nënë e një vajze të vogël, se për herë të parë ka rënë ndesh me ligjin, se ndaj saj nuk zhvillohet procedurë tjetër kundërvajtëse, neglizhencën e saj që me kohë ta deklaroj pasurinë për faktin se këshilltarët komunal sipas ligjit, këtë vit për herë të parë janë të obliguar që të deklarojnë pasurinë, si dhe faktin se nga të ardhurat mujore që merrë si këshilltare komunale në shumë prej 200 €, siguron ekzistencën e saj dhe të familjesë, duke vlerësuar se në të kundërtën shqiptimi i ndonjë dënimi më të lartë në të holla, do të vështëronte gjendjen ekonomiko - sociale të saj dhe familjesë. Andaj gjykata vlerësoi se edhe me shqiptimin e dënimit në të holla në shumën si në dispozitiv, do të arrihet qëllimi i dënimit, si dhe do të ndikoj pozitivisht në përmirësimin e të pandehurës që në të ardhmën të mos kryej kundërvajtje të këtyllë apo të ngjajshme. Në pajtim me nenin 9 të Ligjit për kundërvajtjet, gjykata me rastin e shqiptimit të dënimit bëri zbutjen e dënimit të përcaktuar me ligj për këtë kundërvajtje.

Vendimi për paushallin gjyqësor është shqiptuar në bazë të nenit 109 të Ligjit për kundërvajtjet
Nga të cekurat më lartë u vendos si në dispozitiv të aktvendimit.

GJYKATA KOMUNALE PËR KUNDËRVAJTJE NË KAMENICË

Më 02.11.2012

GJYQTARI

Sadri Krasniqi, d.v.

KËSHILLA JURIDIKE: Kundër këtij aktvendimi lejohet ankesa në Gjykatën e Lartë për Kundërvajtje në Prishtinë, brenda afatit prej 8 ditësh nga dita e pranimit të këtij aktvendimi, përmes kësaj gjykate.

Republika e Kosovës

SAKTËSINË E KOPJES E VËRTETON
FACEDST OTPRAVKA POTVRDJUJE



Punëtori i autorizuar
Ovlaštenjeni radnik

S. Sadiku

REPUBLIKA E KOSOVËS AGJENCIA PËR KUNDËR KORRUPSIONIT AGENCIJA PROTIV KORUPCIJE ANTI-CORRUPTION AGENCY	
Num. Prot. Prof. Nr.	03-4605/12
02	24.12.2012